

Naguá sa'a ní tú ni kee positivo nuu prueba COVID-19 ní

Tu'un ja ni ndujáá 12 abril, kuiya 2023

- Tu'un jáá siki [nasa kindasi nuu sava nuu ndututu ñayiví](#)
- Ni ndujáá tu'un siki naguá sa'a nuu iyo nda ve'e ja satatan

Nuu kije'e

Nú ni kee positivo nuu prueba COVID-19 ní, kuu chindeé ní ja jekituu kue'e COVID-19. Sa'a ní ja ka'an nda tu'un ya'a siki nasa kutatan ní, nasa kindasi ní ji nasa kasi ní yu'u. Suni sa'a ní ja jikan ve'e jurisdicción ja satatan ini ñuu ní, nuu satiñu ní, nuu empresa axi nuu escuela ní nú ni kee positivo nuu prueba COVID-19 ní, ja sanaa xeen ka sa'a ji ma sú tanu ka'an Washington State Department of Health (DOH, Ve'e nuu jito ja Sa'a táatan ñuu Washington).

- Nda ñayiví ja ndee, satiñu axi ja já'an ji nuu in ve'e satatan kánuu ja sa'a ji ja ka'an [Nasa jekani kue'e COVID-19 nuu nda ve'e ja satatan](#) (vachi nuu yu'u Inglés).
- Nú satiñu ní axi kindoo ní nuu satiñu kua'a kua'a ñayiví nuu nda barco, ini nda vekaa, nuu kindoo nda ñayiví ja nduu na ve'e kánuu ja sa'a ní ja ka'an nda tu'un ya'a [Nú kindoo ní axi satiñu ní nuu ndututu kua'a ñayiví](#).

Kani ini ní nú kánuu kutatan ní

Nú ni kee positivo nuu prueba ní de sanaa kuu kundo'o xeen ní kue'e COVID-19 siki ja ña'nu tuni ní axi siki ja xeen tatan jí'i ní, iyo tatan ja kuu keutiñu ní tágua ma kí'in ní hospital axi ja kuu ní siki ja ndo'o ní kue'e ya'a. Kánuu ja in médico kachi de nú in tatan iyo va'a ji ja ko'o ní nú ndo'o ní COVID-19 de kánuu ja ñama ko'o ní tágua sukua va'a satiñu tatan. Ka'an ní jín inka médico tágua kachi de nú sanaa kuu ní'in ní inka tatan, vese nduu sa'a xeen kue'e ní mita. Kunde'e ní nuu página DOH tágua ní'in ka ní tu'un ja jiniñu'un ní ji ja jiniñu'un médico ní siki nda [Tatan COVID-19](#) (iyo nuu jaku yu'u) ji siki nasa kuu ja ní'in ní nda tatan ya'a.

Kindasi ní ini ve'e ní

Nda ñayiví ja ni kee positivo prueba COVID-19 ji axi nda ja ndo'o ji kue'e ja sa'a COVID-19 de ndetu ji nasa kee nuu prueba ji kánuu ja kindasi ji ini ve'e ji de koo jika ji jín ndukú ji tatan. Nda ñayiví ja ndo'o ji COVID-19 kuu skuikin ji kue'e nuu inka ñayiví. Nú kindasi yo ma skuikin yo kue'e inka ñayiví. [Kánuu ja kindasi ní vese ja ni kani ní vacuna maa ní](#). Nú in ñayiví ni kani ji vacuna ma ji de ndo'o ji COVID-19, kuu skuikin ji kue'e inka ñayiví, vese ja ní ni kani ji vacuna COVID-19 maa ji sanaa ma kí'in ji hospital ji ma kuu ji ja siki COVID-19. Kakan ní ja inka ñayiví tágua kuen ji ndatiñu ní axi kakan ní nuu nda tienda ja kisia'a ji ndatiñu ní. Nú jiniñu'un ní ja kaji

ní axi inka ndatiñu tágua kindasi ní ini ve'e ní [Care Connect Washington \(Programa ñuu Washington ja chindeé ñayiví\)](#) (iyo nuu jaku yu'u) kuu chindeé nuu ní. Ka'an ní nuu yokaa COVID-19 nuu 1-800-525-0127, ñukua de kuaxin ní #, axi ka'an ní jín [Care Connect](#) (iyo nuu jaku yu'u). Kuu chindeé nuu yu'u ja ka'an ní. Ma kí'in ní nuu satiñu ní, ja kee jika ní, nuu escuela, nuu jito suchí luli axi nuu iyo kua'a ñayiví ni ma kuatiñu ní nda karru nuu ñu'un kua'a ñayiví axi nda taxi. lini yindasi ní:

- Koo jika ní de kindasi ní ini ve'e ní, koo jika ní nuu ñayiví ve'e ní, nuu kiti ndeka ní, kindasi ní tágua ma jikuta'an ní jín nda ñayiví, kuatiñu ní inka bañu, nú kuu sa'a ní. Centers for Disease Control and Prevention (CDC, Ve'e nuu jito ji jekani nda kue'e) neva'a ka tu'un siki [COVID-19 jín nda kiti](#) (iyo nuu jaku yu'u).
- Kuatiñu ní in [ja kasi ní yu'u ní axi kuu xtaa tachi ní](#) (iyo nuu jaku yu'u) nú jiniñu'un ja koo ñati ní nuu in axi nuu ñayiví kua'a.
- Ndukú ní nasa va'a ka [kunu tachi](#) (iyo nuu jaku yu'u) ini ve'e ní, nú kuu.
- Ma kuanuu ní ndatiñu ní tanu kuu taza, toalla ji inka ka ndatiñu ní.
- Koto ní kue'e ní. Nú sanaa ni [xtuu ñama kue'e ní](#) (iyo nuu jaku yu'u) (tanu ja nduu kuu xtaa tachi ní), ñama ndukú ní in médico.
- Nú iyo in cita ní nuu médico (ja nduu sa'a ta jiniñu'un ñama in tiñu), ka'an ní ta ncha'a kí'in ní de kachi ní nuu médico ní ja ndo'o ní COVID-19 axi ja jitotuni ní maa ní nú sanaa ndo'o ní COVID-19.

Nasaa kivi kindasi sa ji kasi sa yu'u sa

Nú ni kee posotivo nuu prueba COVID-19 ní, **kindasi ní ini ve'e ní vese 5 kivi de kujika ní nuu ñayiví ve'e ní** tágua ma kutenuu kue'e COVID-19 nuu inka ñayiví.

Jinu kivi ja kindasi ní

Nda kivi ja kindasi ní kuu sama nú ni sama tiñu:

- Nú kuu kasi ní yu'u ní jín in ndatiñu ja jasi va'a,
- Nú ni kee positivo nuu prueba COVID-19 ní ta ja ni ya'a 6-10 ta ja ni ya'a 5 kivi ja yindasi ní,
- Nú xeen ndo'o ní COVID-19 axi nú nduu satiñu va'a yiki kuñu ní, de
- Nú kuu kindoo ní axi satiñu ní nuu iyo kua' a ñayiví.

Nú ni kee positive nuu prueba COVID-19 ní de ni ndo'o ní [nda kue'e ja sa'a](#) (iyo nuu jaku yu'u):

Kindasi ní vese **5 kivi** nde kivi ja ni xtuu kue'e ní. Kuu kee ní nú ja ni ya'a 5 kivi ja ni yindasi ní nú:

- Kuanduva'a ní nuu kivi 5 nde kivi ja ni kije'en ní yindasi ní, **DE**
- Ja ni ya'a 24 hora ja nduka chí'in ka'a ní de nduka jatiñu ní tatan tágua nuun ka'ni ní

Nú ni kee positivo nuu prueba COVID-19 de nduu ni ndo'o ní ni in [nda kue'e ja sa'a](#) (iyo nuu jaku yu'u): Kindasi ní ve'e **5 kivi** nú ni kee positivo nuu prueba COVID-19 ní. Kuu kee ní nú ja ni jinu 5 kivi ja yindasi ní de nduu ni xtuu kue'e ní.

Nú kee positivo nuu prueba ní de ni xtuu kue'e ní, kánuu ja ndike'e ní kindasi ní 5 ka kivi. Sa'a ní tanu ka'an tu'un ichi yata ya'a tágua kuni ní na kivi jinu ja yindasi ní nú ni xtuu kue'e ní.

Nduu naguá sa'a na kivi jinu kivi yindasi ní, sa'a ní ja ka'an nda tu'un ya'a nuu ka 10 kivi nde kivi ja ni xtuu kue'e ní (axi ta ni kee positivo nuu prueba ní, nú nduu ni xtuu kue'e ní):

- Kasi va'a ní yu'u ní axi jín in ja kuu kasi va'a xitin ní ta iyo ní nuu iyo inka ñayiví ini ve'e ní axi nuu inka ka ñayiví vese 5 ka kivi (nde kivi 6 nde kivi 10) ta ja ni jinu 5 kivi ja yindasi ní.
- Ma koo ñati ní nuu ñayiví [ja nduu satíñu va'a yiki kuñu axi ja kuu kundo'o xeen ji kue'e](#) (iyo nuu jaku yu'u), ma kí'in ní nuu nda ve'e satatan (nuu ndee nda ñayiví ña'nu) ji inka nuu iyo kua'a ñayiví ja ndo'o yika.
- Ma kí'in ní nuu ma kuu kasi ní yu'u ní, tanu kuu nuu nda restaurant ji nda gimnasio, de ma kaji ní xtaa nuu iyo ñayiví ve'e ní axi nuu satíñu ní.
- Nú ni ndikóo kue'e ní axi ni xni'in, kanuu ja ndije'e ní kindasi ní de kavi ní kivi 0.
- Kunde'e ní nuu tu'un ja [Kee jika | CDC](#) tágua ní'in ka ní tu'un siki nú kuu kee jika ní.

Nasa kuni ní nasaa kivi koo jika ní ji kindasi ní

Nú ni xtuu kue'e ní, kivi 0 kuu kivi ja ni kije'e kue'e ní. Kivi 1 kuu kivi xinañu'un ja ni jinu ja ni kije'e kue'e ní.

Nú nduu ni xtuu kue'e ní, kivi 0 kuu kivi ja ni sa'a ní prueba ní. Kivi 1 kuu kivi xinañu'un ja ni jinu ta ja ni sa'a ní prueba ja ni kee positivo.

Kunde'e ní nuu ndatiñu DOH [Kuni ní nasaa kivi koo jika ní ji kindasi ní](#) (iyo nuu jaku yu'u) tágua ní'in ní tu'un.

Ma kasi ka ní yu'u ní

Kuu skukin ní kue'e vese ja ni ya'a 5 kivi ja yindasi ní. Kasi ii ní yu'u ní [Kasi va'a ní yu'u ní axi xitin ní](#) (iyo nuu jaku yu'u) nú iyo ní nuu ñayiví ini ve'e ní ji nuu inka ka ñayiví nuu 5 ka kivi (nde kivi 6 nde kivi 10) ta ja ni jinu 5 kivi ja yindasi ní. Suni kuu kani ini ní nuu kuetiñu ní nda prueba antígeno tágua kuni ní nú ja kuu ja ma kasi ka ní yu'u ní (kunde'e ichi vee). Nú ma kuu kasi va'a ní yu'u ní, kánuu ja kindasi ní 10 kivi.

Ja kasi ní yu'u ní kúni ka'a ja kuatiñu ní in ja [kasi va'a ní yu'u ní axi in ja kuu kasi va'a xitin ní](#) (iyo nuu jaku yu'u) níni ja iyo ní nuu iyo inka ñayiví ini ve'e ní axi yata ve'e ní. Kánuu ja ma sa'a ní tiñu jín inka ñayiví nú ma kuu ja kasi ní yu'u ní tanu kuu ta kixin ní, yaji ní axi suté ní. Inka ndatiñu (tanu kuu in ja ndasi nuu yo) nduu satíñu va'a ji tanu in ja jasi yu'u yo ja va'a ka satíñu. Nú ma kuu ja kasi va'a ní yu'u ní, kánuu ja kindasi ní 10 kivi.

Ta jetiñu nda prueba antígeno tágua kuni nú ja kuu jinu kivi ja yindasi ji ja ma kasi ka yu'u

Nú jatiñu ní in [prueba antígeno](#) (iyo nuu jaku yu'u) kuu chindeé ja ma kutenuu kue'e nuu inka ñayiví, ma kuu sa'a ní nú cha'a jinu kivi 6. Kuu sa'a ní prueba nú ja ni ya'a 24 hora ja nduka chí'in ka'ni ní de nduka jatiñu ní tatan ji ja kuaduva'a ní. Ja ma ní'in ní xiko ji ja ma kaji asín ndeyu sanaa kuu sukua nuu ke'en ka semana axi ke'en ka yoo vese saa kuu jiniñu kivi ja kindasi ní.

- Nú ni kee positivo nuu prueba ní, sanaa kuu skuikin ní kue'e. Kánuu ja kindasi ii ní de kasi ní yu'u ní ji kundetu ní 24-48 hora tágua sa'a ní inka prueba.
- Nú ni kee uu jichi (ndikoo ja ndikoo) negativo nuu prueba ní ja ni sa'a ní nuu 24-48 hora, kuu jinu kivi ja yindasi ní ji ma kasi ka ní yu'u ní vese ncha'a jinu kivi 10.

Nú ni kee uu jichi positivo nuu prueba ní nuu ndi 10 kivi, kánuu ja kasi ii ní yu'u ní de ma tandee ní nuu nda ñayiví ja nduu satíñu va'a yiki kuñu axi nda ja yika de kuu kundo'o xeen kue'e nde kee uu jichi negativo nuu prueba ní nuu nda prueba antígeno.

Nú xeen ndo'o ní COVID-19 axi nduu satíñu va'a yiki kuñu ní:

Nda ñayiví ja ndo'o xeen ji kue'e COVID-19 (tanu kuu nda ñayiví ja ni yí'i ji hospital axi nda ja ni jiniñu'un in ventilador) ji nda ñayiví ja [ndo'o yika yiki kuñu ji](#) (iyo nuu jaku yu'u) kánuu ja koo jika ji vese 10 kivi axi nde 20 kivi. Suni sanaa jiniñu'un ji in [prueba viral](#) (iyo nuu jaku yu'u) tágua kuni ji na kivi kuu ja kuu koo ñati ji nuu inka ñayiví. Ka'an ní jín médico ní siki na kivi kuu ja kuu koo ñati ní nuu inka ñayiví. Kunde'e ní nuu kachi [nasa kutatan ichi yata ya'a](#) tágua ní'in ka ní tu'un siki nasa kutatan ní ji na tatan kuu ja kuetiñu ní.

Nú kindoo ní axi satíñu ní nuu ndututu kua'a ñayiví:

Nda ñayiví ja ndee ji axi ja satíñu ji nuu ndututu nda ñayiví ya'a kánuu ja sa'a ji tanu ka'an nda tu'un ja vaji ya'a. Nú satíñu ní de nduu ndee ní nuu nde ni in nda ve'e ja ka'an tu'un ya'a sa'a ní ja ka'an nda tu'un tutu ya'a siki nasa koo jika ní nuu ndututu ñayiví: suni kuu sa'a ní ja ka'an tutu siki nasa koo jika ja iyo ja kuu kuatiñu inka ñayiví tágua kindoo ní ini ve'e ní axi ta sa'a sa'a ní inka tiñu.

- Nda vekaa
- Nuun ndee nda ñayiví ja nduu na ve'e axi ja sama ve'e
- Nuun iyo nda barco (tanu kuu nda barco ja tiín tiaká, nda ja ndíso ndatiñu ji nda crucero)
- Nuun satíñu kua'a ñayiví de siki tiñu ja sa'a ji nduu kuu ja koo jika nuu ta'an ji, nuu tava'a ndatiñu, nda fábrica ji nuu chupa'a ndeyu ji kuñu
- Ve'e nuun ndee nda ñayiví ja satíñu jaku ni kivi

Nú ni kee positivo nuu prueba COVID-19 ní de ni xtuu kue'e ní, kuu jinu kivi ja yindasi ní de kuu ndututu ní nú ja ni ya'a **10 kivi** nde kivi ja ni xtuu kue'e ní:

- Ja ni ya'a 24 hora ja nduka chí'in ka'a ní de nduka jatiñu ní tatan tágua nuun ka'ni ní, **DE**
- Kuanduva'a kue'e ní.

Nú ni kee positivo nuu prueba COVID-19 ní, de nduu ni xtuu ni in kue'e ní, kuu jinu kivi ja yindasi ní de kuu ndututu ní nú ja ni ya'a **10 days** nde kivi ja ni kee positivo nuu prueba COVID-19 ní nú nduu ni xtuu kue'e ní. Nú ni kee positivo nuu prueba ní de ni xtuu kue'e ní, kánuu ja ndije'e tuku ní kindasi ní 10 kivi. Sa'a ní tanu ka'an tu'un ichi yata ya'a tágua kuni ní na kivi jinu ja yindasi ní nú ni xtuu kue'e ní.

Kuu sa'a ní prueba antígeno tágua kuni ní nú ma kasi ka ní yu'u ní axi nú kuu jinu ja kindasi ní vese ncha'a jinu 10 kivi. Sa'a ní in prueba nú ja ni ya'a 6 kivi, de nú ja ni ya'a 24 hora ja nduka jatiñu ní tatan tágua nuun ka'ni ní axi ja ni nduva'a ní nuu nda kue'e ní. Sanaa ma ní'in ní xiko

axi ma kaji asín ndeyu nuu ke'en semana axi yoo vese saa nduu kúni ka'an ja kánuu ja kindasi ii ní.

- Nú ni kee positivo nuu prueba ní, sanaa kuu skuikin ní kue'e. Kindasi ii ní de kasi ii ní yu'u ní de kundetu ní 24-48 hora tágua sa'a ní inka prueba.
- Nú ni kee negativo nuu prueba uu ní (inka jín inka) ja ni sa'a ní nuu 24-48 hora, kuu jinu ja kindasi ní de ma kasi ka ní yu'u ní vese ncha'a jinu 10 kivi. Sukua kuu jinu ne'en ja kindasi ní jín ja kasi ní yu'u ní de kivi ya'a kuu kivi 7, kuu sukua nú ni kee negativo nuu prueba ní nuu kivi 6 ji kivi 7.

Tú ni kee positvo nuu prueba ní nde nuu kivi 10, kánuu ja kasi ní yu'u ní de koo jika ní nuu nda ñayiví ja nduu satíñu va'a yiki kuñu axi nuu nda ja kuu kundo'o xeen ji kue'e, sa'a ní sukua nde kee uu jichi negativo nuu prueba ní.

Nú ni xtuu kue'e ní, kivi 0 kuu kivi ja ni kije'e kue'e ní. Kivi 1 kuu kivi xinañu'un ja ni jinu ja ni kije'e kue'e ní. Nú nduu ni xtuu kue'e ní, kivi 0 kuu kivi ja ni sa'a ní prueba ní. Kivi 1 kuu kivi xinañu'un ja ni jinu ta ja ni sa'a ní prueba ja ni kee positivo.

Nda kivi ja nduu na ñayiví satíñu, nda vekaa, nda ve'e nuu kindoo nda ñayiví ja nduu na ve'e, nda ja sama ve'e ji nuu satíñu nuu yika iyo kuu kani ini ní nú kánuu ja jinu ñama ka kivi ja yindasi ní tágua sukua kuu satíñu nda ve'e ya'a. Nú kani ini ní sa'a ní sukua kánuu ja kita'an jín tu'un ja tatuni ve'e ja satatan ini ñuu ní.

Naguá sa'a sa nú ni ndikoo kue'e sa

Nú ni jinu kivi ja yindasi ní, de ni ndikoo kue'e COVID-19 ní axi ni xni'in ka, ndije'e ní kindasi ní nde kivi 0 de sa'a ní ja ka'an tu'un [Nasaa kivi kindasi sa ji kasi sa yu'u sa](#) ja vaji ichi yata. Ka'an ní jín mé dico ní nú iyo tu'un jikatu'un ní siki kue'e ní ji na kivi jinu ja kindasi ní.

Nasa jini sa nú kuu skukin sa kue'e inka ñayiví

Nda ñayiví ja ndo'o COVID-19 kuu skukin ji kue'e nuu inka ñayiví nde uu kivi ichi yata ta ncha'a xtuu kue'e ji (axi 2 kivi ichi yata ja ni kee positivo nuu prueba ji nú nduu ni xtuu kue'e ji) nde nuu 10 kivi ivhi nuu ja ni xtuu kue'e ji (axi nde 10 kivi ichi nuu ta ji kee positivo nuu prueba de nduu ni xtuu kue'e ji). Ní in ñayiví ja ni kee positivo nuu prueba COVID-19 ji de ni kee uu jichi negativo nuu prueba antígeno COVID-19 ji ja ni sa'a ji nuu 24-48 hora ta ja ni jini ji ja kuanduva'a ji nuu 5 kivi ja yindasi ji, ma kuu skukin ji kue'e inka ñayiví. Nú in ñayiví ni yindasi ji ví'i ka 10 kivi (tanu kuu siki ja xeen ku'u ji axi siki ja nduu satíñu va'a yiki kuñu ji), kuu skuikin ji kue'e inka ñayiví nde jinu kivi ja yindasi ji.

Kachi tu'un ní nuu nda ñayiví ja ni iyo ñati ji nuu kue'e

Kachi ní nuu nda ñayiví ja ni iyo ñati ja sanaa ni iyo ñati ji nuu kue'e COVID-19 de tetiñu ní ji nuu tu'un [Naguá sa'a ní tú ni iyo ñati ní nuu in ñayiví ja ndo'o COVID-19](#) (iyo nuu jaku yu'u). Kachi yoo ja in ñayiví ni iyo ñati ji nuu kue'e nú ni iyo ji vese 6 pie nuu in ñayiví ja ndo'o COVID-19 vese 15 minuto axi kua'a ka nuu 24 hora. Vese saa, nú ni iyo ní nuu sanaa ni jikin kue'e ní, tanu kuu nuu yindasi ñayiví, nuu nduu jinu va'a tachi, axi ni kana ní axi ni jita ní, vese iyo ní ví'i ka 6 pie kuu

kuikin kue'e ní nú ni iyo ñati in ñayiví ja ndo'o kue'e. Nú ni iyo ní nuu satíñu ní ta ni kije'e kue'e ní, kachi ní nuu ñayiví nuu satíñu ní tágua kachi tu'un de nuu nda ñayiví ja satíñu nuu de.

Kua'a ní tu'un ja nda ñayiví satatan katu'un de ní

In ñayiví ja satatan ka'an de yokaa jín maa ní tú ni kee ja ndo'o ní COVID-19. Ñayiví ya'a kachi de naguá sa'a ní ji kachi de naguá kuu ja chindeé nuu ní mita. Ñayiví ya'a katu'un de sivi ní ji ndekuu nda ñayiví ja ni iyo ñati ji nuu ní tágua sukua tetiñu de in tu'un nuu ji ja sanaa ni iyo ñati ji nuu kue'e. Jikan ji nda tu'un ya'a tágua sukua kuu kachi ji nuu ñayiví ja sanaa ni iyo ñati ji nuu kue'e. Ñayiví ya'a ma kachi ji ndekuu ní jín nda ñayiví ja ka'an ji jín.

Tú ni kee ja ndo'o ní kue'e nuu in prueba ja sa'a ini ve'e

Kunde'e ní nuu [Tutu nuu kachi nasa kuatiñu nda prueba SARS-CoV-2 ja sa'a ini ve'e](#) (vachi nuu yu'u Inglés) tágua ní'in ka ní tu'un.

Naguá kuni ka'an ja koo jika ní ji ja kindasi ní

- Ja **koo jika** kuu nú ndo'o ní kue'e COVID-19, nú ndetu ní nasa ni kee prueba ní axi nú ni kee ja ndo'o ní COVID-19. Ja koo jika kuni ka'an ja kindoo ní ini ve'e ní ji koo jika ní nuu inka ñayiví (tanu kuu nda ta'an ve'e ní) nuu ñati [ndí'i tiempo ja jikan](#) tágua ma kutenuu ka kue'e.
- Ja **kindasi** kúni ka'an ja kindoo ní ini ve'e ní ji koo jika ní nuu inka ñayiví nú ni iyo ñati ní nuu COVID-19 nú sanaa ni jikin kue'e ní ji nú kuu skuikin ní kue'e. Ja kindasi ní sama ji de jiniñu'un ja koo jika ní tú ni kee ja ndo'o ní COVID-19 axi ni xtuu kue'e COVID-19.

Tu'un siki nasa koto ní xini ní ji nasa sa'a ní

Kunde'e ní nuu página internet DOH [Tu'un ji ja kuu kuatiñu tágua koto xini](#) (vachi nuu yu'u Inglés).

Kua'a ka Tu'un ji ja kuu Kuatiñusiki ja iyo COVID-19

Ndukú ni tu'un jéé nuu [nasa iyo COVID-19 mita ini ñuu Washington](#) (vachi nuu yu'u Inglés), [ja sa'a kue'e](#) (iyo nuu jaku yu'u), [nasa jitenuu](#) (iyo nuu jaku yu'u), [nasa ji na tiempo kuu ja nda ñayiví sa'a ji prueba maa ji](#) (iyo nuu jaku yu'u) , ji [ndenu ní'in nda vacuna](#) (iyo nuu jaku yu'u). Kunde'e ní nuu [nda tu'un jikatu'un ka](#) (vachi nuu yu'u Inglés) tágua ní'in ka ní tu'un.

Raza/ñuu axi na ndenu vaji in ñayiví nduu chituu tágua in ñayiví kundo'o ji COVID-19. Vese saa, ja jini siki COVID-19 kuu ja xeen ka ndo'o nda ñayiví tuun-ya'a kuu siki ja sín raza ji, de ví'i ka kuu nú ndo'o nda'vi ji, ya'a sa'a ja nduu ní'in ñama ji tatan de sukua ndo'o ka ji axi ñuu ji. [Ja sa'a yo sukua jín nda ñayiví ma chituu kue'e](#) (vachi nuu yu'u Inglés). Vachi ni skutenuu ní tu'un ja jiniñu'un ñayiví tágua sukua ma koo tu'un tu'un axi tu'un ja nduu iyo ndaa.

- [Ja sa'a WA State Department of Health nuu COVID-19](#)
- [Nandukú ní Ve'e ja satatan ini ñuu ní axi ini Distrito ní](#)
- [CDC Coronavirus \(COVID-19\)](#)

A iyo ka tu'un jikatu'un ní Ka'an ní nuu yokaa COVID-19 sa nuu **1-800-525-0127**. Hora ja satiñu:

- Nda lunes nde 6 a.m. nde 10 p.m.
- Nda martes de sábado nde 6 a.m. nde 6 p.m.
- [nda kivi kánuu](#) (vachi nuu yu'u Inglés) nde 6 a.m. nde 6 p.m.

Tágua ní'in ní tu'un nuu inka yu'u, **kuaxin ní #** tú ni ka'an ñayiví **kachi ní na yu'u ka'an ní**. Tú iyo tu'un jikatu'un ní siki nasa iyo ní, siki nda prueba COVID-19 axi siki nasa ni kee nuu prueba ní ka'an ní jín médico ní.

Tágua ní'in ní tutu ya'a tánu jiniñu'un ní, ka'an ní nuu 1-800-525-0127. Nda ñayiví ja so'o axi ja nduu níni va'a, kuu ka'an ji nuu 711 ([Washington Relay](#)) (vachi nuu tu'un Inglés) axi tetiñu ji in correo electrónico nuu civil.rights@doh.wa.gov.